

孫氏書畫鈔

孫氏書畫鈔

法書

魏鍾元常薦季直表真迹

臣繇言臣自遭遇先帝忝列腹心爰自建安之初王
師破賊關東時年荒穀貴郡縣殘毀三軍餽饟朝不
及夕先帝神畧奇計委任得人深山窮谷民獻米豆
道路不絕遂使強敵喪膽我衆作氣旬月之間廓清
蟻聚當時實用故山陽太守關內侯季直之策剋期
成事不差豪髮先帝賞以封爵授以劇郡今直罷任
旅食許下素為廉吏衣食不充臣愚欲望聖德錄其

舊勲矜其老困復俾一州俾圖報効直氣力尚壯必
能夙夜保養人民臣受國家異恩不敢雷同見事不
言干犯 宸嚴臣繇皇、恐、頓、首、謹言

璽曰 貞觀 大觀 淳化 宣和 紹興 開

印曰 河東開國 彭城開國 子孫世昌 蘇國世家

畫錦堂印 米芾之印 宋氏子孫家藏永保 臣貞

悅故 賈似道印 子溫 三吳張氏 陸氏李通

天水趙氏 中丞陸氏直邑 袁氏通父 子孫世昌

右漢鍾繇薦季直表真蹟高古純朴超妙入神無晉
唐插花美女之態上有河東薛紹彭印章真無上太

古法書為天下第一余於至元甲午以厚資購得於
方外友存此山後因飄泊散失經廿六年不知所存
忽於至正九年六月一日復得之恍然如隔世事以
得失歲月考之歷五十六載嗟人生之幾何遇合有
如此者後之子孫宜保藏之吳郡陸行直題于壺中
時年七十有五

書家之有鍾王猶儒家之有周孔今之學者出口惟
云二王而不言鍾是猶稱孔子孟子而不及周公也
伯幾此論真能為元帝出氣

成侯在魏銘功五秩奎為魏宗室豈獨勲業為不可
及其楷法傳於世者亦不可企及若戎輅表是也此
卷薦焦季直表其法度與戎輅無少異漢季楷法全
是隸其古惟可見于後二王為翰墨宗匠顧豈能外
此哉分湖陸隱君酷嗜古今浙右法書名畫多出於
其家此卷尤隱君所寶者更五六十年而復歸於隱
君信神物去來真有神護云遂昌鄭元祐識

素昂論書云鍾書有十二意外巧妙實亦多奇又李
嗣真謂鍾元常正隸如郊廟既陳俎豆斯在又比寒
潤閣望秋山嵯峨虞世南云鍾繇馳驚曹喜蔡邕微

學而致一體真楷獨得精研夫能書之士其評品鍾書如此其重也然唐文皇論鍾書體則古而不今字則長而逾制黃長睿謂逸少所臨鍾書尚書宣示及破關羽等帖字皆匾濶殊無長體豈文皇誤以廣為脩乎長睿又云漢隸運筆結體圓勁淡雅字皆匾而弗補今傳世者若鍾書力命表諸帖古隸典刑具存夫真賞之士其推察鍾書如此其至也此卷鍾元常薦焦季直表真蹟世不多有仔細觀之果符諸賢之論而其點畫之間多有異趣可謂幽深無際古雅有餘蓋其楷書去古未遠純是隸體非若後人妍媚纖

巧之態也或疑此帖唐人所書其間民字缺而不全
夫民字之不全特唐人諱避而剗撥之非不全書也
痕跡猶存端可察識觀者亦觀其筆勢字體與夫英
氣雅韻不可捨本而求末遺精而究麤也要當鑒以
心目至正十八年戊戌五月望日袁泰題 印景仲長

東觀餘論云自秦易篆為隸故漢世隸體尚有篆
拙意象厥後魏鍾元常士季晉王世將逸少子敬作
小楷法皆出於漢隸字率匾正今存於世若元常尚
書宣示等帖世將上晉元帝二表逸少曹娥帖子敬
洛神賦雖經摹拓而古隸典刑具在至江左六朝謝

宣城蕭挾華雖不以書名世其小楷若齊海陵王志
開善寺碑猶有鍾王遺範至陳隋間正書結字漸方
唐初猶然獨歐陽率更虞永興易方為長以就姿媚
後人競效之遽不及二人遠甚去鍾王楷法彌遠矣
余觀此帖誠元章之所合作若黃長睿之推而得其
詳論而極其至且究其字體之變更似為此書發也
不可不重識焉至正二十五年五月二十日秦再題
留寓齋
右鍾繇薦焦季直表真跡黃初到今千二百餘年矣
而紙墨完好不逾信希世之寶也應禎往年在天府
得見二王真跡今復於相城沈啓南所觀此區：餘

年何多幸也時同觀者吳江史鑑曹孚汝泰崔徵葑
門朱存理弘治四年人日長洲李應禎記

史載鍾太傅事魏殊有偉績此薦焦季直表又見其
為國不蔽賢之美其書平生所見特石刻耳若真迹
之存於世者則僅止此洛南所藏法書甚多吾固知
其不能出此上也吳寬

唐顏魯公書朱巨川告

勅典掌王言潤色鴻業必資純懿之行以彰課最之
績久更其職用得其才朝議卽行尚書司勳員外郎
知制誥朱巨川學綜墳史文含風雅貞廉可以勵俗
通敏可以成務自司綸翰屢更星霜酌而不竭時謂
無對今六官是總百度惟貞才識兼求尔其稱職膺
茲獎拔是用止名光我禁垣實在斯舉可守中書舍
人散官如故

建中三年六月十四日

大尉兼中書令臣在使完

銀青光祿大夫守中書侍郎同中書門下平章事臣張使
通直官朝議郎守給事中賜緋魚袋臣闕播奉行

奉

勅如右牒到奉行

建中三年六月十五日

侍中 闕

銀青光祿大夫守門下侍郎同平章事扎

正議大夫行給事中 審

月 日 時 都 事

左 司 郎 中

吏部尚書關

朝請大夫權判吏部侍郎范陽郡開國公翰

吏部侍郎關

印曰

尚書吏部

告司之印

尚書右丞關

告朝議郎守中書舍人朱巨川奉

勅如右符到奉行

主事怡

判郎中漢

令史侯輔
書令史

建中三年六月十六日下

印曰

香氏私印

陸氏之印

奉華堂印

香氏寶藏

寶藏

唐告多出善書者之手亦足以見一代文物之盛矧
魯公道義風節師表百世其所書尤可寶也至大辛
亥仲春廿又二日古渚鄧文原書

右顏魯公書朱巨川告即宣和書譜所載者上有高
宗乾卦紹興圖書而魯公之書蓋東坡先生已嘗論
之矣不惟愛玩抑見唐代典故之式尤為可尚龍集
辛亥仲秋朔喬篋成題

唐懷素書清淨經 後題云貞元元年八月廿有二
日 日西太平寺沙門懷素藏真書時年六十一歲

右懷素唐僧字藏真特以草書擅名當世時而尤見
珍於今世余嘗謂法帖者乃魏晉時人施於家人朋
友其逸筆餘興初非用意而自然可喜後人乃棄百
事而以學書為事業至終老窮年疲弊精神不以為
苦者是真可笑也懷素之徒是已

一 治平元年閏月晦日書

印白六居士

素師居零陵以蕉葉代書目庵曰綠天自敘云醉來
得意兩三行醒後却書、不得又云人、來問此中
妙懷素自云初不知皆透徹向上一部語所謂一拳
打透虛空不為律縛者也禪與書欲顛逸奔放宜其

然哉

大梁劉世昌謹題

印曰 劉氏道卿

內府
書

楊凝式真跡

五代

神仙起居法

初國
之商

行住坐卧處手摩脇與肚心腹通快時兩手脇下踞
踞之微勝腰背拳摩腎部才覺力倦未即使家人助
行之不厭頻晝夜無窮數歲久積功成漸入神仙路
乾祐元年冬殘臘暮華陽焦上人尊師處傳楊凝式

內殿秘書之印

紹興

杜氏年印

西秦張激之印

真賞圖書

賈似道封字印

紹興

右楊凝式書神仙起居法八行臣米友仁鑒

定真跡恭跋

印曰

德有鄰賞

西秦張氏
家藏之寶

永興軍節
度使之邑

西秦
張激

家藏
寶玩

真賞

楊少師書山谷比之散僧入聖其微妙可知矣殆與
李太白識郭子儀同道至元戊子立春日左山商挺
題

宋元章云楊凝式字景度書天真縱逸類顏魯公爭
坐位帖余家收楮紙上詩紛披老筆王荊公少嘗學
之人不知也野齋新得神仙起居法一帖喜以見示
野齋有美疾在兩膝能依此法用工久當獲奇驗也
至元戊子暮春既望信安留夢炎題

米臨坐位帖

坐位帖真蹟在京兆安氏嘗刻以傳世吳中復守永興謂安氏石未盡筆法因再模刻二本余家咸有之安氏子孫分析坐位帖通割為二此帖至僕射指下平分為兩以石刻較之正居其半蘇公見安師文時帖尚全嘗手搨數十本書遂大進余得坡公搨本於東平王繼學無毫髮失真旁用眉陽蘇氏及趙郡蘇軾印米襄陽少年嘗臨之邵伯溫亦云安氏析後不復見全本此卷筆法絕類米老往見乞米帖於子昂子昂以重資得之心有疑而不敢言今得此帖紙色

行墨絕相類遂定為米老所臨無疑至治二年秋七

月桶記

印昌桶

袁伯長

清容齋

余歸真後蘇本付瑾米本付瑾以免安氏兄弟
之誚清容老人識

大行皇太后挽詞

餘慶源真相求賢佐

裕陵知幾捲箔早

數變叱

龍升

靜德群邪

震清心後世矜

大恩知欲報

聖孝已踰曾左

溫厚同

光獻

剛廉法

寶慈擁扶樂推

聖照徹託公欺南紀歸忠魄

東朝足

素規

仁明存 舊帳常似 補天時 左

奉議郎充江淮荆浙等路置發運司管勾文字
武騎尉賜緋魚袋臣米芾上進

米元章所弛不羈之士喜為崖異卓犖驚世駭俗之
行故其書亦類其人超軼絕塵不踐陳迹每出新意
於法度之中而絕出筆墨畦迳之外真一代之奇蹟
也紹興天子訪求其書始貴重於天下而元章骨已
朽矣壬午歲十月日孫覲書

先堯御筆臨黃庭經

前有奉華堂邑鈴璽

晉書王羲之傳羲之性愛鵞山陰有道士養好鵞羲

之故求市之道士云為寫道德經當舉群相贈義之
欣然寫畢寵驚而歸其任率如此余按梁虞翻論書
表云山陰曇曜村養鵞道士謂羲之曰久欲寫河上
公老子綠素蚤辦無人能書府君能自屈書道德兩
章便合群以奉於是羲之便停半日為寫畢攜鵞去
與本傳畧同以二書考之黃庭似非逸少書韓退之
第云數紙尚可博白鵞而不云何經余又攷之蓋書
黃庭經換鵞與書道德經換鵞自是兩事道家有黃
庭內景經又有外景經及綠身經玉軸經世例稱為
黃庭余家舊藏右軍所書外景經一卷云永和十二

年五月廿五日在山陰縣寫又嘗於道藏中得務成
子註外景經一卷有序云晉有道士好黃庭之術意
專書寫嘗求于人聞王右軍精於草隸而性復愛白
鶩遂以數頭贈之得其妙翰蓋道德經是偶悅道士
之鶩因為之寫若黃庭是道士聞其善書且喜鶩故
以是為贈而求其書此是兩事頗分明緣俱以寫經
得鶩遂使後人指為一事李太白知其為二事故其
詩右軍一篇云右軍本清真瀟灑在風塵山陰遇羽
客愛此好鶩群掃素寫道經筆精妙入神書罷籠鶩
去何曾別主人此言書道德經得鶩也送賀賓客歸

越一篇云鏡湖流水漾清波狂客歸舟逸興多山陰
道士如相見應寫黃庭換白鷺此言書黃庭經得鷺
也太白於兩詩各言之初未嘗誤嘉定歲在元熙若
灘仲春單父張溪清源識

向聞唐臨黃素黃庭為江南法書神品每恨不獲一
見過來故老無存欲詢其梗槩亦不可得今觀此本
以書法攷之當是

光祿御筆所摹無疑自 重華而下不能到也後有
奉華堂印乃劉貴嬪閣所藏然字畫混厚而沈著深
遠而閑暇自有一種 九重之上氣象與草澤摹倣

者不可同日語觀者當求其學力所至勿以妍媚少
之江南屢經兵燹若此者所存無幾藏者寶之後世
將不得而見也嚴陵後學邵亨貞拜題

高宗御筆臨虞世南真草千文

賜恩溫

虞伯施書翰之絕殆與晉宋爭衡真草千文妙冠當
代可謂東南之美也文皇時作此書故筆所關者民
淵二字而已

紹興

御書

真閣

跋文信公墨迹

語有之嘻笑之忿甚於梨嘗長歌之哀過於慟哭文
信公之忠肝義膽炳白當世正不在柴市慷慨之日

實在夫弟妹輸寫無聊之時其忠抱精誠死別痛苦
因天壤之大不幸而為古今無敵之盛名要不待後
之人極心贊說余嘗怪戰國之士若侯嬴田光輩自
負奇節卒不過以一死為人為長技噫此市井小夫
感恩酬利之區、所謂泰山之重鴻毛之遺殆無足
言者以信公之慷慨於弟妹子女下至婢妾從容慰
藉於垂死之際顧若辭禍而不可得者然後真能以
義處死蓋蹈義難蹈白刃非難人獨鮮知之耳陳謙
陳謙字子平夙尚孝弟篤學力行兄訓任江浙
省照磨謁告還吳適張士誠兵至謂弟曰汝無

官守宜自為計子平曰兄在吾何所之城陷兵
入脅訓不屈遂刃其胸子平奮前蔽兄因併遇
害

見吳思菴跋

又跋

予每讀公指南錄至其為母夫人小祥并懷弟妹妻
妾子女諸詩未嘗不為之流涕太息也今於王君季
境家獲觀公所作諸詩真蹟忠義之氣藹然於紙墨
之間直與日月爭光余雖從浮圖輩槁木死灰之人
亦不能不為之感動使章甫逢掖有國有家者覽之
當何如哉當何如哉洪武十三年秋七月吳郡沙門

道衍

米南宮三詩

得官塵土古揚州
好客常稀俗客稠
掩簿叱胥無恩
我冒風踏雪作清遊

竹西桑拓暮鴉盤
特地霜風滿倦顏
不用使君相料
理都緣塵土少青山

家山只在東流水
每到橋時眼便東
昨夜南宮一覺
夢早來堂上看飛鴻

米老

結聖丁丑夏得此卷於齊安後六年當崇寧元
年八月六日武昌城南燕坐室題 吳郡李援

送楊太祝忱知長洲縣 司馬光

三吳佳縣首民物久熙、專用清談治非如俗吏為
林疎丹橘迥稻歌白芒歌宜使民無忘 嚴太伯詞

浣花醉歸圖

黃庭堅

拾遺流落錦官城故人作尹眼為青碧雞坊西結茆
屋百花潭水濯冠纓故衣未補新衣綻空蟠膏中書
萬卷探道欲度羲皇前論詩未覺國風遠干戈崢嶸
時寓縣杜陵韋曲無雞犬老妻稚子望眼前弟妹漂
零不相見此翁樂易 可人園翁溪友肯卜鄰、家
有酒邀皆去得意魚鳥來相親浣花酒船散車騎野

墻無主看桃李宗文守家宗武扶落日蹇驢馱醉起
頃聞解鞍脫兜鍪老儒不用千戶侯中原未得平安
報醉裏眉攢萬國愁生綃鋪墻粉墨落平生忠義今
寂寞兒呼不蘇驢失脚猶恐醒來有新作長使詩人
拜畫圖 膠續絃千古無 墨迹今藏夏文振

黃山谷書評

學書端正則窘於法度側筆取妍往 左 病右
故 書如右軍霜寒表子敬乞解臺職狀張長史郎
官廳壁記皆不以法度病其 神至於行書則家王
父子隨意肥瘠皆有佳處近世唯顏魯公楊少師特

窺其妙其用筆能左右之不好處更覺斌媚求一點
一畫俗氣不可得比來士大夫唯王荊公書有古人
氣而不端止然筆力甚道司馬公正書不甚善而隸
法極端勁似其為人

涪翁作字深得提筆回腕法度甚嚴抑誠懸曰心正
則筆正故其書評則於左右之體點畫之間既能精
神不病要且道勁兩全誠為確論然而留心至此安
得不造其佳處杜子美所謂毫髮無遺恨波瀾獨老
成者也昌叔燕邸賢王孫其先德於交游最深蓄書
帖甚富而又季父德麟為東坡之客乃知師友淵源

其來有自文璫請以此軸摹刻諸石庶幾發揚奇蹟流傳好事者云紹興丙子六月下澣丹陽蘇文璫題山谷善論書以側筆取妍為病然或議者猶以是病之太史始師周膳部晚脫摺筆賦作草書王定國深疑之字隨世運議無過者唯鍾王耳藝以德傳越千百年無有易此論素楠識

黃太史書雖小字亦有方丈之勢蓋其骨次存大節真一代之偉人歟大梁班惟志信筆跋

黃山谷書

後漢人得道陰長生詩三篇

維予之先佐命唐虞爰逮漢世紫艾重紆予獨好道
而為匹夫高尚素志不事王侯貪生得生亦又何求
超迹蒼霄乘飛駕浮青要乘翼與我為讐入火不灼
蹈波不濡逍遙太極何處何憂遊戲僊都顧不遑衣
饑不暇食思不敢歸勞不敢息奉事聖師承顏悅色
面垢足胝乃見哀識遂傳要訣恩深不測妻子延年
咸享無極黃白已成貨行不堅痛乎諸子命也自天
天不妄授道必歸賢身勤加精研勿為後幽壤何時
可還嗟爾將來流俗富貴所牽神丹一成昇彼九天
壽同三光何但億千

維予髮少好道德棄家師東西財千億閱羣愚
年命之逝如彼流奄忽未幾泥土南北為儔馳走
索死不肯雙休予之聖師體道真昇變化松喬
為鄰惟予同學一十有二人寒苦求道歷年中多
怠惰志委放五辟世自匿餘年名山之側寒不
後使鬼神玉女侍側得度世神丹之力

忠州丰都山仙觀朝金殿西壁有天成四年人
書陰真君詩三章余同年許少張以為真漢人
文章也以予考之信然因試生輩偶得佳紙為
鈔此詩以與王瀘州補之季子觀陰君所學

守屍法耳。猶須擇師。勤苦如是。乃能得之。何況千載之後。尚友古人。求知道德之主宰者乎。

紹聖四年四月丙午。點中禪月。接中書。

東坡芙蓉城詩

世傳王迥子高。與仙人周瑤英游芙蓉城。元豐元年三月。余始識子高。問之信然。乃作此詩。極其情而歸之。正亦變風止乎禮義之意也。

芙蓉城中花冥冥。誰其主者石與丁。珠簾玉案翡翠屏。雲舒霞卷千傳停。中有一人長眉青。往來三世空鍊形。竟坐誤讀黃庭經。天門夜開飛真靈。無復白日。

乘雲輅。俗緣千劫磨不盡。翠被冷落。淒餘馨。因過綠
山朝帝庭。夜聞笙簫弭節聽。飄然而來。誰使令。皎如
明月。入窓櫺。忽然而去。不可執。寒飈虛幌。風冷。仙
宮洞房本不扃。夢中同躡鳳皇翎。徑度萬里如奔霆。
玉樓浮空聳亭。天書雲篆誰所銘。遠樓飛步高吟
歸。仙風鏘然韻流鈴。遽。形開如酒醒。芳卿寄謝空
丁寧。一朝覆水不返瓶。羅巾別泪空瑩。春風花開
秋葉零。偶然相值兩浮萍。願君收視觀三庭。勿與佳
穀生蝗螟。從渠一念三千齡。下作人間尹與邢。

都下高僉事家藏東坡哀江頭小楷比此差小
而結體稍疎不若此書縝密也至元壬辰鮮于
樞記

坡翁書大小真草得意率然無不入妙字形或
似顏魯公或似徐季海此卷絕有黃庭神韻為
尤難得也辛亥三月九日延陵倪瓚觀

袁登觀

嘗見秦太虛與坡帖 素紙一軸敢冀醉後書
近文及芙蓉城詩恨不見其真迹今觀此卷非
醉時筆亦不知為太虛書者否耶結體有遺教

經楷法鑒者當自知之己未四月谷陽陳文東
題

陳迪敬觀

僕平生最愛蘇文忠公書遨遊四方數載獲觀
公遺蹟不下百數十幅至於整齊縝密無如此
紙況芙蓉城詩又文忠公平昔大得意之作也
世有覽此者當具如西方大阿羅漢正法眼觀
之呵、吳郡醉生顧祿隨筆讚歎

黃魯直硯銘

瀘川之桂林有石點黑瀘川之人不能有而富義有
之以為研則宜筆而受墨唐安任君從簡之研面為

鏡而背三足形駭天下若山林木而不得訪諸禹也松煤泛之如玄雲之過魄月而矜也筆胥疏其上則吾宮中之鬼也握筆之指記沙若蛙欲食月不能而又吐也元符三年重九日涪翁題

蘇黃米蔡真迹

柳十九仲矩自共城來持太官米作飯食我且言百泉之奇勝動我卜鄰此心飄然已在太行之麓矣

元祐三年九月十七日東坡居士書

庭堅承手字并得佳句甚慰甘草黃有思但少雨花開不足尔驚溪到家即剪送法用湯再湯乘

濕展上以線繫定乃以黏紙壓之略見火庭堅頓首
仲謀騏驎文思哲弟 看此樣古紙佳否

下淨名

萬籟寒深響群山雨半開遲暮鐘裏且喚竹與來
不集南山

山翁若芋葛疆隨庭下青春鷺雀飛幕府慣為方外
客風前懶易道家衣 襄陽未帶醉書

光堯皇帝翰墨志云宋帝得能書之名但無負
於海內六朝翰墨副在筆端故沉著痛快如乘
駿馬進退裕如不煩鞭勒無不當人意然喜效

其法者不過得外貌高視濶步氣韻軒昂殊未
究其中本六朝妙處醞釀風骨自然超逸也今
觀二詩醉中之趣天然一種風味侶不食煙火
人也骨稟帶神仙者耶昔景定改元春良日善

雅堂書

印曰

希啓即日

法候佳勝造墨人周鄒墨甚精欲往衆中賣幸與引
致也因出過門謹奉啓不宣 希頓首

龍游監寺碩德

母親安康表昨表辭以親老兼表久病衰悴不堪繁

劇若不得即乞楊抗一郡仰祿以養欲便還家無衣食之給轉更勞心若至京以形骸之羸亦當免府矣仕路進退之難如此

芾頓首啓蒙 教審 起居佳勝已支千條付邑脚身既今奉委惟 所喻更不須申稟鮮禾方成更與拔限十日佳般木亦須限外毋奪農時佳苦暑未可約過樊邑良食利人自愛草 芾頓首

誰云漁父是愚公一葉為家萬慮空輕破浪細迎風睡起蓬窻日正中 宋高宗御題

南山晴翠入波光一派溪聲遠路長最愛早春沙岸

煖家風輕浪拍鴛鴦

荷葉如錢三月時幅巾藁杖一追隨尔來勝事知多少
惟有風標公子知

徽宗皇帝御製

神夢記

皇曰書記之寶

宣和三年夏五月二十七日夜寢福寧殿夢至紅雲
紫氣間顧瞻上下有宮室臺殿戶牖庭除與山川林
麓皆舊所遊歷之地酒史數十百人衣仙裳冠珮從
安妃至前掩面涕淚交下朕亦為之淒然奏曰妾以
宿契在神霄府已得奉侍巾几後數年寄胎塵世

上帝所命下侍宸極復侍宮闈遂獲與興道立教末
議家被顧眄寵冠嬪嫗銘刻心腑不敢少忘遽遠朝
夕不勝情懷復涕落被面又問何遽若此曰妾奉承
德意晨昏殿寢未始少懈貴極富滿非不戀一人世
去來悲歡時變耳大期既至不可逃也病時已嘗面
奏雖虛扁無及矣又適當吳越倣擾曠於南顧陛下
憂形宵旰妾亦豈得安枕因期至遂行且將以為報
耳又問自寢疾就諸宮觀祈禱無不虔至願賜天醫
速至勿藥不獲昭答何也謝曰妾卧病踰時陛下憂
見辭色祈禱備至顧妾何以當克念無以稱誠非不

盡亦非不應也。先時已有飛空神吏輔文陽告陛下神霄之語曰：凡數足矣。當復歸神府。妾安能稽踰也。若至天中，隱秘之音至深至妙，與人間福福之原有基。有胎離合聚散，因緣契數亦嘗叱退侍鬟一，具奏想今悉留聖心。幸毋深悼於妾也。曰：幼兒弱女能無念乎？曰：世間系累無重於此。妾有同德之妹，乃神府靈妃。頃在神府時，以忠孝相當，繼妾身後矣。付之而去，脩然獨逝。何復可念？又敘別曰：妾已露章。

青帝奏簡

玉皇請削平南寇，近得報矣。用伸拳，不忘之德。妾

之情素言不能盡又非立談可究妾今製得一詞章
願以聞奏無因得徹聰聽願召伶華令劉允懽書奏
庶得詳見始末謂之曰允懽不學又患雀目不能
書柰何乃奏曰妾已命三天都史王府上吏陶伯威
以靈氣附體不能者皆能之又掩泣再三祈懇願勿
以妾為念遂覺及旦亟召王堯臣至則已失常若昏
醉中目視眊乃命給筆札置榻前令書堯臣素體
肥足不能盤臂指俱大艱於操筆雖書未嘗得端楷
即據案濡墨口吻俱動若吟哦諷詠旁若無人衆目
環視且驚且笑既而下筆落、如飛一揮已就與常

日所書萬、相遠其詞非堯臣平日所知者讀之再
四非世間語也始敘神霄以及被遇至疾病祈禳稱
謝之意甚悉為之悵然衆乃大愕叫呼嘆駭不已堯
臣若醉醒使視所書章詞不能讀且曰非我書也堯
臣奉道今為都道錄在神府為伶華令姓劉名懽允
所書詞章附其記末宣和三年閏五月朔日記

夫希夷之表何筭於達觀眇綿之中豈容於善計迨製
形數之始乃分生死之期厥有聖神深燭至理恭惟
陛下高真挺秀上聖臨軒昔總神霄之天已儲玉帝
之嗣天真上聖日月星辰三界神司十方道氣咸稟

命於陛下也妾以宿因緣學真龜闕眇億劫積行
累功始受太上之寶書證九華之上秩復承陛下
之洪眷嘗兩進於仙階故得玉真上靈之號烏寵分
元母位冠群姝當陛下降治於人稟命青帝攝行
於神府一道德之俗振清淨之風妾幸侍寶靈寄胎
凡世後期八載誕於彭城人莫究其所因妾獨念其
宿命獲親禁密再奉宸嚴歷々真機為其膺合昭々
大教共闡淵源固當依日月之光華同天地之長久
適在吳越稍曠私臨玄會有期當還寥極而陛下尚
以丘山之念憐其壺則之脩俯為勒留未賜俞允然

春懷雖重而憂受無窮妾豈敢交衷駟結樂人間之
欲而違上禁者哉於是假胎息之繆戾退幃幙之寵
私絕稻粱之腥穢捐藥石之苦辛將期於蒿莽矣復
蒙陛下致懇修辭力祈帝聽按儀啓供冀保大和此
竇陛下曲世情於妾也豈謂上天告誡惟命是從妾
儻抑遂於聖情則錄定之書當以何耶用是叱諸侍
鬟明通願盡帝子天姬委於朋妹洞仙經服脩於丹
奩蓋欲人情之常態安陛下之春心無怛逝之歎矣
屬陽春之暮當炎景之肇新亟命羽輶高升灝炁上
朝金闕重定玉書琳房共慶於迴旋玄伍復頒於正

治靈碧緘於青帝盟丹簡於昊尊弓協威神搜
羅惡逆去邪存止輔國安民此實彰陛下之靈慶復
聞金馬星飛真文驛至臻明其之妙果揚玉匱之殊因
三簡屢馳九清昭格乃妾遐歸之後猶存陛下之恩
非徒進品於叢霄亦得留祥於當世下逮幽夜均荷
餘休重念形數之域離合有常妾雖迹遠於中凡自
當福報於無疆慎勿軋淵慮而悼妾也其如循常作
祉追冊正名懷遠之恩厚矣送終之理備矣念無以
為稱焉伏望陛下清心正己永保天和愛養含生常
臻泰定夫如是則妾雖處青冥之上猶慰憂勤之至

矣宣和庚子福寧殿書

壬寅夏歸自崑山舟中記
此亦五月二十七日 彭記

石曼卿古松詩真迹

直氣森々，耻屈盤鐵衣生，澁紫鱗乾影搖千尺，龍蛇
動聲撼半天，風雨寒蒼蘚，靜緣離石上，綠羅高附入
雲端，報言帝室掄材者，便作明堂一柱看。石延年

曼卿上世家幽州燕俗勁武少以氣自豪書體
兼顏柳前輩謂愈大愈奇余三見真蹟禮部尤
尚書家西師詩有旗光秋曉起甲色大江橫之
句歐陽氏籌筆驛詩意中流水遠愁外舊山青
之句今又見此詩影搖千尺聲撼半天尤為人

贈炙皆警策也歐陽公稱文章勁健稱其意氣
余以謂字畫猶有劒拔弩張之勢吾鄉郡從事
官舍中先有籌筆驛詩石刻久矣今趙君致遠
又欲刻此是為二妙也四明樓鑰

節度推官廳事舊有籌筆驛詩刻流轉入郡圃
中師夏請于使君得復舊暇日過袁君木叔
家見古松詩筆其嚴密勁健尤為卓絕因摹刻
之以為籌筆驛詩刻之對曼卿翰墨不多見於
世藐然從事之廬破屋數間雖不足以避風雨
而二刻屹立其中未可以為陋也又得 文昌

李頌有集清詩
樓公為之題識益光榮矣本叔之先君子好奇
者古所蓄前輩遺墨甚衆此其一耳慶元己未
上元日古汴趙師夏書

士大夫豪家宕奇崛者為文必峭拔清遠閒放者
有句必高妙故梅詩之疎影橫斜和靖如園寫
此花松詩云半天風雨曼卿獨膾炙人口也自
昔論詩者嘗謂寫情無難狀物最難過於體做
或失之俗畧於比喻又失之泛必渾然天成它
物不足以當之斯為美爾曼卿平生意氣卓犖
多慕古人奇節偉行其見於辭章之間又肯為

兒女子軟媚語耶梅聖俞以雲影清聲之句過
此作非矣節推趙公得真蹟於袁正肅之仲弟
木叔而刻之石二百年来陵移谷遷何物不為
塵土之歸而此刻至今存焉半雲翁亦在篋藏
故物之列家既析異又幸心得而寶之造物
者若有私焉嗚呼故家遺物歷年之久而卒獲
所歸有如此帖者乎敬書此以識余感歲在玄
默敦牂五月望北山老樵黃慘敬書 印曰永茂父

蘇文忠公真蹟

村膠二尊獻張平陽

萬戶春濃酒似油想須百甕列林頭主人日飲三千
客應笑窮官送督郵

詩裏將軍已築壇後來裨將欲登難已驚老健蘇梅
在更喜風流黃謝看

出定知書滿腹瘦生應為語雕肝

灑落江山

外留與人間激懦官

張公高躅不可到我欲挽眉纔覺難事業已歸前輩
錄典刑留與後人看

詩如琢雪清牙頰身覲飛龍吐膽肝少負清名晚方
用白頭翁竟作閑官

東坡先生一時翰墨衣被天下雖中更集總而
流傳猶多以集之寡陋所見何啻百十雖老少
工拙不同要是天人風致非凡俗所可知也仙
井虞集書

古人不可見所可見者紙上之遺文耳故誦其
詩律者如聞其言觀其詩法者如對其人公所
謂百世士者詎非此耶惟具眼者知之

陳復 留芝岳

張宣公云坡公結字穩密姿態橫生一字落紙
固可寶玩而况其平生大節如此忠義之氣未

嘗不蔚然見於華墨間也真可畏而仰哉此詩
字畫雖出於一時率然作以南軒之言求之信
可寶也龜蒙後學孔濤題

印曰孔世平父

右東坡先生詩凡五首集中皆闕不載他日好
事者或為之補遺尚有取也至順元年九月二
十日後學東陽黃潘書

甘露滅謂歐陽文忠公不喜肥字而誇杜子美
獨貴瘦硬東坡先生作書曰杜陵論書貴瘦硬
此論未公吾不平豐妍瘦硬各有態飛燕玉環
誰敢憎今觀此卷筆畫秀整可謂豐妍者况是

五詩皆集中之所失哉良夫得之遂幽軒中與
士君子時一賞鑒溪山佳氣不翅頓增十倍噫
古名賢翰墨不幸淪落浮俗富率襲寶祕卒為
蠹魚窟宅與塵塼同盡者比有之聞良夫之
風亦當少愧

西麓老人智及

東坡先生詩筆高妙今古豈俟子言之而此卷
不可得也况仙井虞公芝岳陳公山東孔公東
陽黃公四君子贊詞翰又絕世尤不可得也
以二不可得而言之非寶而何洪武辛亥春馬
生持此卷來予深愛之易呂置諸左右又一年

壬子秋八月既望又六日中吳徐達左筆書

坡翁此卷筆意似徐季海尤覺天真爛熳也癸

丑中秋同王季耕觀於徐良夫之耕漁軒倪瓚

黃山谷真蹟

漫郎江南酒隱處古木參天應手栽石砌為尊酌花
鳥自許作鼎調鹽梅平生四海蘇太史酒澆不下脣
崔嵬黃州副使坐間散諫疏無路通銀臺鸚鵡洲前
弄明月江妃起舞襪生埃次山醉鬼招髣髴步入寒
溪金碧堆沈湮塵痕飲游客笑倚武昌江作壘誰知
文章照今古野老爭席漁爭隈鄧公勒銘留刻盡刻

剔銀鈎洗綠苔。琢磨十年煙雨晦。摸索一讀心眼開。
謫去長沙憂鵬入。歸來杞國痛天摧。玉堂却對鄧公
直。北門喚仗聽風雷。山川悠遠莫浪許。富貴崢嶸今
鼎來。萬壑松聲如在耳。意不及此反生哀。

舊詩一時辱

蘇公賞音亦何能。稱提獎之意承。

見索不已故漫寫去甚。黷汚此江南紙也可留。
齊凡不必刻之西山。庭堅頓首。

芾頓首再拜

君發太尉台。坐二杞。拜遲旋得官。江湖歸掃家山杜。

門不出人事殆絕比到都見陳玉真承

動靜復知己更王夫人之痛不覺嗟悼不能已復

自咎不敏阻貢尺書以勞孝思內有慙悚久不能已

比日台體起居何如謹奉啓道誠拳下情此不

能宣
帶再拜上

昨附馬都尉西園歌者王容頗慧麗乘山谷道人

大醉持綾巾乞詩不覺破戒清源老師以道眼相覷

便爾切責不知道人胃中都無一物此特空中語耳

不致坐此便落惡道然亦從此逝矣有不如戒即墮

前念四年五月十又六日發願

不應武康清溪之檄端居即事呈

淮陽建昌二太守 辰溪監郡三公 芾上

祕篋大開千古到雪圖小挂滿堂寒墨濃負嶠峰孤
起枕冷燕山玉一團圓扇古人蟬雀意清風四海弟
兄歡開關不謝勤來客畏暑非緣懶作官鳬頸欲長
寧可益烟枝求足已能胖有時驚覺神漢夢北里新
聲舞翠鸞

東坡楊梅帖

楊梅出時記餉少許昨日所言試留意 軾又上

十八字乃內幅屬托它事借楊梅為言耳 元

熙以小人之腹料君子之心

晦機此題殊有爭席避竈之嫌杜德機無通失
其初意熙下世已八年文采論議今不可得見
矣
袁楠

此帖當與子敬橘帖並觀然坡翁以昨日所言
試留意二語多子敬六字而讀者或以為梅橘
輕重也國清臺畫書

坡翁之於楊梅即石軍之於青李來禽也二公
書法適美然皆一代偉人而不能無求於世口
體之累人如此哉
鄧蔣景武

昔人有得虞永興書以鶴口二字換銅硯一枚
又以他二字換芝蔴三升余嘗疑其妄今此帖
財十四字耳而好事者既襍飾以為卷軸而士
大夫又從題志而表章之乃知永興兩字之可
以貿物亦非妄也然余嘗觀張宛丘稱東坡之
書謂鳳閣虎卧天衢龍跳歐書比肩張虞可肖
人皆謂公東坡即逸少不知此帖能似宛丘所
稱否識者必能辨之

永寧高明

憶醉龍溪西錦坊楊梅新整荔枝香風流誰似
東坡老不得同時送一觴

潮河楊彝

唐歐陽率更鄙陽帖

貞觀六年仲夏中旬初偶詣蘭菴猥辱見示諸家書
編得看尋可以頓醒滯思名甚佳妙今昔孰為比肩
至於興歎耳珍重、因書此敘于其後渤海郡率
更令歐陽詢記之靜而思之勝事莫復過此氣力弱
猶未愈吾君何當至速附書必向饒定須寄信意

歐陽詢呈

右歐陽率更鄙陽帖十一行繭紙書虫蠹穿蝕
殆盡併跋後皆糜碎不可觸命善工精加整理
僅乃可讀大較敘鄙中土風人物之美末後兩

行有詢去歲七月患至平復後更有數字已磨
滅不可識然墨色如漆神氣生動真蹟無疑米
氏寶章待訪集有歐陽詢鄱陽帖與柳公權書
柳尊師墓誌在錢塘唐垌家歐書撫石在靈隱
寺豈即此帖耶柳書今在蒲陽蔡君謨家而此
帖甫出於邵武故家流傳七百餘年垂欲泯沒
而復出見屬非有神物持護不至是也景定癸
亥十二月既望天台陳仁玉題識于三山
洪景廬容齋隨筆首載此帖嘗見于石刻其文
必皆定備當訪求之姑錄于左

臨川石刻雜法帖一卷載歐陽率更一帖云年
二十餘至鄱陽地沃土平飲食豐賤衆士往
湊聚每日賞華恣口所須其二張才華議論一
時俊傑殷薛二侯故不可言載君國士出言便
有月旦蕭中郎頗縱放誕亦有雅致彭君摘藻
特有自然至如閩山神詩先輩亦不能加此數
子遂無一在殊使痛心茲蓋吾鄉故實也

唐興文盛

書專率更

率變古體

妍紫峻清

維鄱陽帖

細書真行

盡所不盡

與日月爭

吐哉高麗

不換連城

仁玉謹贊時年六十三

碧栖題贊之歲以吳畫飛仙易得之永存秘
玩蜀楊潤叟題

此帖乃皇慶間集賢大學士叔丞相李公值
予初度之日以予鄱人也持以為壽書法精妙
前輩題贊歷歷可攷信為真蹟無疑矣適鄱君
文惠觀遷建告成因以付之本觀常住永為珍
玩此帖流轉世間年代滋久今復歸于鄱陽豈
非珠還合浦劒返延津有其時乎至正二年歲
在壬午重九日特進上卿玄教大宗師吳全節

謹識

題米元章小楷千文墨刻

米氏小錄云宣和間聖主命寫小楷故倣右軍黃庭
少時聖意不能以脩御覽也余留京師購得此帖
命工裝潢與諸子習書誠可寶愛堅白老人敬題
軾再啓武昌不獲

再會至今耿承惠書為別感服不可言來歲出
按江夏必行屬縣當復過江求見也

過桃源想復一訪遺蹤鼎澧間故多嘉處耶新唐書
言劉夢得竹枝詞至今武陵俚人歌之亦復信否夢

得言竹枝聲含思宛轉有淇濮之艷若果耳獨不可
令蘇秀二君傳其聲耶呵、傳舍之會恍如夢中事
矣
軾再拜

軾啓近者經由獲見為幸過辱遣人賜書得
聞起居佳勝慰慰兼極忝命出於餘庇重承
流喻益深愧畏再會未緣萬一以時自重人還
冗中不宣
軾再拜
長官董侯閣下

六月廿八日

軾啓特辱臨訪愧荷厚眷晚來起居何如迫

行無由詣 別乍遠尚冀 保蓄不宣 軾再拜

通直呂君閣下

軾啓前日少致區區重煩 誨答且審 台候康勝
感慰兼極 歸安丘園早歲共有此意 公獨先獲
其漸豈勝企羨但恐世緣已深未知果脫否耳無緣
一見少道宿昔為恨人還布 謝不宣

軾頓首再拜

子厚宮使止議兄 執事

十二月廿七日

軾啓辱 書承 法體安隱甚慰 想念北游五年

塵垢所蒙已化為俗吏矣不知林下高人猶復不
忘耶未由會見萬自重不宣
軾頓首
坐主久上人

五月廿二日

三十三年今誰存者算只君與長江凜然蒼檜霜幹
苦難雙聞道司州縣雲溪上竹塢松窻江南岸不
因送子寧肯過吾邦。縱、疎雨過風林舞破煙蓋
雲幢願持此邀君一飲空缸居士先生老矣真夢裏
相對殘缸歌聲斷行人未起船鼓已逢
吾來陽羨船入荆溪意思豁然如愜平生之欲逝將

歸老殆是前緣王逸少云我卒當以樂死殆非虛言
吾性好種植能手自接果木尤好栽橘陽羨在洞庭
上柑橘栽至易得當買一小園種柑橘三百本屈原
作橘頌吾園若成當作一亭名之曰楚頌元豐七年
十月二日書

軾雖已買田陽羨然亦未足伏臘禪師前所言下備
鄰庄果如何託得之面議試為經度之及景純
家田為議過己面白得之此不云也冗事時瀆高
懷想不深罪也
軾再拜

轍啓辱 答教承 起居安勝河冰留滯蒙差到夫

力極荷 勤意悚仄、今晚或得通流漸可解去達
遠萬、以時珍重、謹奉此謝不宣
轍再拜
知縣通直閣下

靈壁石

泗州南山杜氏家世多靈壁子以韓幹二馬李邕四
帖易得其石置之齋閣焚香居中雲煙萬狀此亦人
間一種之清歡也數百年後必有情好相同者知此
也
元豐六年薛道祖述

呂硯銘

老呂作研在大河東閱世百年陳子與逢策勲翰墨

託質陶冶天地幽深賴尔撫寫

紹興癸亥五月長方銘

唯室陳先生遺物書曰人不易物惟德其物洪
武甲戌三月朔奕題

彭公想朝夕相會情意不踈也監押張載熙好學喜
事其人不昃得乃往時之廣帥有聲張公載之孫也
嘗與款曲否建茶龍鳳 共三餅餘名鉢五帖碾

之皆可口漫分去新雙井來當更送也嘉禾散蘇合
香丸皆自合者藥材頗精也防風湯近合自服記公
往時苦脚痛今已好未此湯治脚氣勝餘藥也適思

忍暑揮汗作此書極草。 一 庭堅頓首

庭堅再拜哀宗不腆仰承 大雅敦厚以 鄉

曲世契之故 許與特達得以攀附 末光幸甚

先生文到魏重辱 賜書勤懇感慰多矣密迹未緣

親近唯冀 為甘旨自重不宣 庭堅再拜上

承甫長官親家同年

經宿伏惟 安勝聞有摹本捕魚圖暫借

庭堅頓首

庭誨監簿

庭堅頓首承

見諭早當過此延佇甚久何以 不至耶雪寒 安
勝否大軸今送然勿多示人或不解此意亦來索匠
石斲鼻則坐困矣 庭堅頓首

明叔少府同年家

刻然紗一匹

行輕甚

墨送

其長大學文也如

來日不早解舟即走奉別不須具飯却欲到惠林飯
也 庭堅頓首上

幸召都監左藏仁執

庭堅頓首兩日阻

瞻望庾伏之末溽暑尤可畏 起居佳否欲更輟十
千 宅庫可那否 庭堅頓首
禹陽耆儒

七月九日

晚刻 佳勝否偶得糟蟹似可喫漫分上幸

檢至

庭堅頓首

庭誨賢友

庭堅頓首兩辱 垂顧甚惠放逐不齒因廢人事不
能奉請甚愧來辱之意 所須拙字天涼意適或能
三二紙門下生輒又取去六十老人五月揮汗今實

不能辦此想 聰明可照察也承晚涼遂行千萬
珍愛 象江皆親舊但盛暑非近筆硯時未能作書
見者為道此意 庭堅頓首

齊君足下

庭堅頓首辱

手誨喜承晚來 體力輕安布頭何必更送愧感

寶板極謝 垂意鹽元今置來了此事不入供庖之
會也大軸先送其一 庭堅頓首

明叔少府同年家

藏鏹見貸已領甚愧瑣屑奉煩 許同 東玉見過

甚惠寶藏論一冊送去試讀一遍如何因為黏綴心
鴉青紙莊嚴之幸甚

庭堅頓首

明叔同年家

我肉衆生肉名殊體不殊元同一種性只是別形軀
苦惱令他死鮮肥為我須莫教閻老斷自忖看何如
眉州攝判官王中帥者在黔州舊識之有吏能廉節
其持親喪齊衰三年疎布飭粥未嘗以素冠墨裏出
門今之曾閔也

嘉州趙肯堂頃過施州清江而識之學問之士而不
懈為吏及問其里人本客寄孤立而能自奮仰祿以

事其父母而解官二年未蒙

諸公除用也

二士輒以 諸

左右少補

聰明之萬一庭堅再拜

宋陳亞之詩翰

離郭店馬上理寄鄉知

迴望離亭映楚山慨然西笑入長安
貪程野僕擔書引惜別鄉人駐足觀
霞襯曙光烘積靄柳和春色蕩輕寒
遙期此地歸來日迎取相如駟馬看

呼樹上陵陽逢辰下建章奇姿標上瑞
正色麗中央昭祀祠壇畔聲歌太液旁
鳳教鴻作侶天與菊為裳

神雀非靈異流嬰愧彩章集汙寧我類一舉憂雲翔
過項羽廟

八千子弟已投戈夜帳猶聞怨楚歌學敵萬人成底
事不思一箇范增多

寄寶臣寺丞

萬里扶靈宅壽阡謝公純孝是家傳廬開四尺同寒
士壤列三園陋昔賢先域定生連埋樹門人多廢蓼
莪篇我心因極君應念露白霜清泣昊天

藍溪閑居

白鹿原采帟候西結廬岑寂映藍溪露侵僧履蘭三

徑秋入農歌雨一犁
枯枕溜聲疑水宿
拂簷山色類
巖樓閉門養拙無人問
揭盡陳篇日
低

開元寺凌虛閣對雪寄解唐卿

藍田

璵滴琳華一夜凝
凌虛雕檻曉來凭
眼觀銀色三千
界身到瑤臺十二層
玉灑砌塵供庾
斛粉融簷水妬
房陵化人宮好分明
在恨不同君把袂登

雉媒

朱冠衮背一何鮮
聲厲情驕目悍然
若道物情皆錫
類雉媒爭似鴝媒賢

還劉處士先令公
功名錄
劉公事朱梁

當年力戰蕩妖氣十萬雄師四七勲將畧妙欺班定
遠家聲高過李將軍銘圖魏鼎文猶在筆勒燕山跡
尚分今日閒披有遺恨可憐主不遇明君

讀劉黃策

藥石危言治亂箴實生晁董是知音可憐當日司文
者不畏人言合媿心以指斥貴倖不顧忌諱有司知而不取

謝人惠三峯朱柿

烏椹珍果益丹名新折紅林蒂尚青漿冷夜凝仙掌
露味甘秋剖楚江萍圓堆玉枕櫻難並剝薦金樽酒
易醒應念茂 痛渴者整籃封貯到雲扃

過田文墓

當年聞奏雍門琴，話着池臺泪滿襟。
何況今朝陵谷畔，池臺無迹可追尋。

對雪寄崔仲裕

時在藍田聞崔在酒舍

奪鶴輻霞勢漸濃，捲簾庭館好支筇。
乘槎路闊寒凝凍，種玉畦平曉被封。
天上瑤宮當月圓，海中銀闕聳龍峯。
思君不得同吟賞，知在旗亭第幾重。

南齊

曲江歡宴侍華裾，舞拍琴歌藝有餘。
獨有純臣王叔寶，解陳封禪一篇書。

南齊太祖曲江宴群臣各使効伎藝褚淵彈琵琶王僧虔彈琴
沈文季歌張敬兒舞王敬則拍王儉曰臣無所解唯能誦書因跪帝
前誦相如封禪書帝笑曰此盛德之事吾何以堪之

湖上逢漁者

雨兼煙笠洞庭秋獨戛綸輕一葉舟擬共停撓醉天
幕緩歌纓足不迴頭

秋日端居

暑退雷靜門閉爵刺稀露莎蛩自急星樹鵲何依
井臼貧雖樂溪山遠未歸時晴秋鴈一、背寒飛
讀子虛賦

聽辭深恨不同時及到同時位太卑爭似唐皇將顧
牧禁中言下用無疑

陳公亞之三十丈復不逮承其教誨也事業在鄉士
大夫者以補國利民傳復少於先子遺書中得公
啓問詩章讀之往、意在棲退若送行間中詩公時
為審刑官朝中望譽始充火已有乞醉堦間之歎是
知君子自重而不苟合者虞富貴以非道而至如盜
竇禽暴鳥則非道者惡得而及之然後踐履無非義
施張翼不仁事功有勝紀哉公忠言美庸固易考清
遠之趣疑多在文章常恨不得盡見之熙寧九年冬

居彭城公孫師仲出雜詩藁一卷辭格秀古造句愈
工則入淡泊愈深若借宅云四壁舊貧寧畏盜一枝
雖小易容巢贈無已師云他年遠公社若箇是遺民
藍溪閒適云露侵僧履蘭三徑秋入農歌雨一犁秋
居云井臼貧雖樂溪山遠未歸貽漁者云擬共停橈
醉天幕緩歌纓足不迴頭聞之者孰不灑然而若醒
超然而自愛復疑在文章者今一卷之藁已得如是
之多固足為喜又得玩君子始終之尚篤吾所好顧
何樂如之詩大小二十二篇閨中送行不預焉逸者
可知也十一月三日曲阜顏復書

穆覽詩緬想風蹟而欽鹽君鐵趣尚遠矣

按陳公名洎彭城人國朝正史實錄俱無傳然嘗以
歲月攷求公嘗歷知懷州審刑院寶元間自屯田員
外郎為副端尋陞臺端已而出漕京西淮南京東慶
歷五年轉吏部外郎加直史館改使益梓路六年入
為度天副使尋轉鹽鐵後山集載公皇祐元年以副
使行還卒今史亦失書信矣史之多放軼闕遺司
馬遷所謂滅功臣賢大夫之業不述非此之謂歟儻
非因詩卷長留天地間曲阜長道顏公侯官宏中鄭
公諸大賢表而出之則公之景行懿文世之知者益

鮮矣雖然公之行事不得書於史冊得褒述於諸大
賢輯成鉅軸於百年之後又獲歸諸博雅君子之藏
使當世士大夫玩繹嘆詠之不足則其榮何必在彼
一時之遇乎嘉定癸酉仲秋十七日眉山李臺題
故吏部彭城陳公在

仁廟時以御史奉使關中積以故人子見公又見之
於河內其後五十年見公孫于淮南於是獲其詩藁
伏而嘆息蓋不敢少有述焉也即幸而有如平日公
以父黨教之讀詩可也如與之言詩則未可也已元
祐六年春二月十三日山陽徐積謹書九

世雄竊伏史部中云之賢與令德之孫有以顯榮其

世雄竊伏史部中云之賢與令德之孫有以顯榮其
後皆見於名卿偉人之所論載幾於成書矣世雄不
復形容其畧獨念元豐壬戌間初識傳道於松陵獲
見此書又三年一解后無已於京師今廿有二年矣
而二君皆不遇卒崇寧癸未端午傳道之子孝友復
抱此書注以相過撫卷悲憐益以知臧孫之有後竊
以此書自是與陳氏之祖孫隱矣疑其可自致於斗
牛之間者金石所不能礙也南蘭陵錢世雄謹書 十二
如彼泉流必有源陳家詩律自專門後山得法因鹽
鐵不減唐朝杜審言嘉定丙子寒孟二十四日眉陽

任希夷敬書 十二

書故三司副使陳公詩軸後

陳留張徽

破錦囊開玉振金舍人曾臆右丞心為時散藻衣冠
數與國丹青翰墨林慷慨似誰雙舞劍風流隨處一
歌琴燕詒苦志追先列子夏何須論淺深

元豐二年三月廿三日

天聖中 先太尉與故相國龐公同為群牧判官故
省副陳公與龐公善先以孺子得拜陳公於榻下元
豐二年八月乙丑晦陳公之孫法曹過洛以公手書
詩稿相示追計五十年矣嗚呼人生如寄其才志之

美所以能不朽於後者賴遺文耳苟無賢子孫其湮沒不顯於世可勝道哉光竊自悲侍公之久今日乃得親公之文又喜法曹君之賢能顯融其先烈是敢嗣書於群賢之末凍水司馬光四

陳公固所嘗聞然不及見也今公之孫以公詩為示讀之亦足以想見其風采矣元豐四年七月一日高郵孫覺題五

元豐四年七月於永興始識公孫師仲師道遂得公之遺稿以觀
長樂林希六

故三司副使吏部陳公軾不及見其人然少時所識

名卿勝士多推尊之爾來前輩凋喪畧盡能稱誦公
者漸不復見得其理言遺事皆當紀錄寶藏況其文
章乎公之孫師仲錄公之詩廿五篇以示軾三復太
息以想見公之大畧云元豐四年十一月廿二日眉
陽蘇軾書七

轍頃在南都傳道陳公以鹽鐵公詩草相示轍甚愛
公詩之精且嘉君之孝恭不墜世德後六年自歙州
還京師見君於鄮陽復出此詩為示不可以再見而
不知志也丙寅正月七日趙郡蘇轍題八

白露下衆草碧空卷微雲孤光為誰來似為我與君

水天浮四生河漢落酒樽使我冰雪腸不受麴蘖醺
尚恨琴有絃出魚亂湖紋哀彈本舊曲妙耳非昔聞
良時失俯仰此見無朝昏懸知一生中道眼何由渾

潁州西湖月夜泛舟聽琴一首 東坡居士

清晨聞叩門倒裳往自開問子為誰歟田父有好懷
壺漿遠見候疑我與時乖繼綈節簷下未足為高栖
一世皆尚同願君汨其泥深感父老言稟氣寡所諧
紆轡誠可學違已詎非迷且共歡此飲吾駕不可回

紹聖乙亥中元日書陶淵明飲酒一首

右坡翁大字書淵明飲酒詩一卷乃過海後北

歸時所作已歸、絕筆矣。曩昔醉翁亭記等書
皆當退舍第玄黃牝牡能令凡目生華願武卿
珍藏十襲以俟九方臯勿輕出以貽俗子嗤也
紹熙改元良月上澣君猷識

右軍眠食帖

此即右軍豹奴帖之半耳後人見有眠食二字
遂題為眠食帖若趙希鮮皆一代傳人不知何以亦
有此誤耶此帖今藏南橋范氏予親見之絹上
書

羲之頓首昨得書問明尹尚

眠食深適慮吾

敗主示 不魚

右王右軍眠食帖真跡世之博古家所收王帖
僕亦畧見之如此帖章草奇古雄強精神逼人

指不可再屈也至元丙戌十一月朔大梁趙孟頫
為冲賓員外跋

右軍云吾書比之張草猶當雁行觀此乃知右
軍之言誠為過謙其餘則子昂說法已竟不須
重說偈言也鮮于樞

眠食帖章草誠與衛索爭衡矣西溪老人書至
元戊子人日

王大將軍眠食帖字數雖不多而古意具在而
觀於此者自應作貞觀太平時千金之購共看
具眼則山陰自誓之文不孤矣 海粟馮子振

晉嵇中散絕交書

天監三年九月廿三日進入

雲

湘東所進絕交草書晉右軍

右唐李懷琳倣晉嵇康絕交書真蹟其載唐寶篆書
賦注宋周越法書苑等書歷代傳賞者也此書筋肉
豐壯位置典古如雲行水流渾然無跡高出懷琳所
作衛夫人七賢等帖上蓋叔夜書唐世尚存懷琳得
以倣之宜其高於自作至於 等古字亦有

所本也劉焘無言以能書名宋亦嘗模刊於續帖中
辨論之詳見黃伯思東觀餘論此帖又經韓平原賞

閱畫印具存漁陽鮮于伯機寶愛終世行草之源亦
出于此唐初名手書文瞻字妙如此者世不多見况
是法書中烜赫者也德常其寶藏之東楚湯屋君載
書于燕山張氏清容齋延祐庚申四月五日

元末大亂吾家所蓄書畫靡不喪失不意此卷身命
相隨竟獲無恙豈初唐大賢手澤亦有神物護持也
歟不然果何道以全於今日自吾先君子得此寶藏
數十年命習書法余遵誨勤篤卒未造夫闡與年幾
四十頗得不言之妙於晉人法書中爰撫懷琳草書
日玩月稽歎服無已其筆力人情轉換沉著頓挫重

而不肥輕而不瘦疾而不滌遲而不癡波撇點畫誠
有不可得而形容者余極力學之有一筆習萬過而
竟不能及者然後知古人用心之密非一朝夕所能
造是域也余為是言者欲吾長子恒次子謙知若父
瑤愛玩習之如是則撫此卷誦此言其能不為父祖
之思而瑤愛也歟彭京為河南憲僉始題于此時洪
武八年春月也

姜堯章論書云一謂人品高二謂師法古三謂筆紙
佳四謂險勁五尚高明六謂向背得宜七謂時出新
意若然則自然長者如峻整之士短者如精悍之徒

瘦者如山澤之臞肥者如貴游之士勁者如武夫媚者如美女欹斜如醉仙端楷若賢士

此論風神一段余謂書法之妙無逾斯言故展玩之餘又錄是論于卷末使吾子學之庶可以尋塗而造也但長房相傳收掌諸房孫子皆得玩習不得貨賣耳其或不遵坐以不孝之罪洪武九年九月彭京伯圻父再題于汴京臬司之中正堂後云

故人劉隱君志達之子顥持唐李懷琳嵇康絕交書一卷示予後有元湯屋君載跋以為懷琳倣嵇康書

蓋唐世叔夜書尚存故懷琳得以傲之宜其高出於其所自作者其說有據理或然也此帖鄉先達伯圻彭先生尊府所家藏者君載題于燕山張氏先生得之惟彰、先生姻家子而志達則惟彰族昆弟也其相傳有自觀先生遺訓子孫之言亦安知其後世流落如此、與唐李德裕平泉莊之意何以異吁凡物可貴重於世者偶得之固宜保藏以資玩適若夫傳之後世或存或亡亦聽其自然又何留意哉正統十四年己巳夏六月廿一日致仕國子祭酒前翰林學士知制誥兼經筵官七十六翁李時勉識

王羲之臨魏鍾繇千文

王維雪溪圖

晉王羲之素生帖

王齊翰勘書圖

本身

晉王羲之月半帖

李公麟蓮社圖

唐僧懷素草書歌詩二

夢游天姥吟

趙幹煙靄秋涉圖

王詵煙江疊障圖

吳元瑜平沙落鴈圖

朱瑤大悲像

唐十八學士圖

周文矩詩意圖

偽王字煙雲本
獨免續林清不語

李成寒林平野

本身

宗室士雷湘鄉小景

曹霸

一馬破損四足
如行水中

徐熙

竹穿魚圖

洪忠文游道場何山詩

何山如幽人，道場如大家。
穰、衲子脚刺，騷翁牙。
挾鳥控寒飈，披光躡晨霞。
危顛矯率堵，平曠略污耶。
巖泉跑虎踞，迤松髯龍拏。
鐘梵破深寂，金碧開芬葩。
修步履峻傑，閣望眼賒。
山勢珮玦轟，湖光鏡奩研。
清節香靄入古弁，空濛遮列翠。
不可唾群籟，無敢譁坐。
我旃檀林酌之鎗，旗茶宇定岫。
出雲語妙天，雨花吾生久。
墮甌昔遊慣，乘槎夷猶廬。
阜陽宿留岷，江涯高。

曾凌嶠拔早或披崖窪舊夢難歷省此行足雄誇老
親八十健閒傳二三佳拍浮一葉眇收攬萬景奢富
貴上蔡犬貧賤東陵瓜未湏笑語誰能苦鱸沙候
門占噪鵲旋撓趨歸鴉奇事恐沒一舉詩屬僧伽

端平甲午秋九月庚申追紀壬辰小雪前奉親

遊道場詩書以遺住山舟老古潛洪咨夔舜俞
咨夔別後無日不病抱病應訓病愈甚猿鶴入夢屢
矣手帖來前雲氣猶濕恍然分半席旃檀林之下
尉浣可量舊詩入石呈醜為多跋語非所敢承
朝家欲移瓶錫於茂苑隨處結緣有何不可而力

辭近時衲子謀窠座與干差違同安知喜菜根通天
下只一般滋味靜退高風可勝敬仰盤陀花竹無
恙大衆安隱六月八日咨受皇恐上記

舟公堂頭禪師

佳茗多感香杏仁包試參之 咨夢

平齋先生洪公宋度南後大手筆也孟頫弱冠
已愛讀公文集恨生晚不得拜下風先生五世
孫為僧於天目師子寺名智俊過溪上出此示
僕三復之餘既嘆詩律之深及觀所與安撫書
又見公於國事用心如此撫卷起敬輒書其後

孟頫

天目洪忠文公遊道場何山詩與眉山蘇文忠公諸作先後相映真若所謂山倚詩秀者矣忠文此詩當時已摹勒入石自端平甲午迄今已一百二十二年而真蹟宛然猶在誠可寶也至正十五年歲乙未五月十日金華黃潛觀於中天竺因書其後以識歲月云

右侍郎洪公奉其親少師公遊道場何山遺住山舟公別浦禪師詩也今歸之即中常上人常往年侍其師竺遠源禪師住是山時見其六世

孫大拙用公以是遺墨獻于禪師常因珍襲而
寶愛之茲未歸源蘭若敬觀惜不得見所與安
撫書耳然山中舊石刻存更兵燹不復存矣故
翰林承旨趙公學士黃公跋語在前惟善何敢
著筆輟書數語於後以識俯仰今昔文物陵替
山林彫謝無復舊觀之感慨云至正二十六年
歲丙午佛誕日曲江居士錢惟善謹書

洪忠文詩謂道場何山為大家幽人此蓋發坡
翁之遺蘊譬如為二人寫真文忠已極其神觀
意度矣而忠文乃直指目出其姓名與字是可

貴也詩法一本韓與舟老書尤見前輩激昂意
思已酉十月九日義興馬治風涇寓舍題

平齋洪公在宋李與趙山臺真西山魏鶴山皆
叅大政位貌德業相表裏而嚴重過之舟別浦
主瑤席軒奉公八十慈親漫游兩山題詩紀勝
句法追躡韓歐自蘇玉局題後唯公詩出色刻
諸琬琰何愧然神物顯晦有時會當三刻茲山
墨寶三獻即中其善藏之時龍攝舟虺蟾旅玄
菟林屋山樵人法鴈擇中跋

蔡君謨帖

兼啓前蒙 惠書伏審

尊候萬福 入京都即休政此士君子所以自處

始 也甚善、公綽數日前見訪齋道話終夕近

日保養之頗見門戶然且能自保涓、之 久當得

力州下更肅靜如前時可自適也舟船必恐無用目

下 關遣人勾還謹奉手狀問起居不宣 兼上

賓客七兄足下

正月廿五日

愛眷各安健太祝至今未得差遣

二郎三郎久別計安自郡君亡後二月至泉州尋使

移福州八月四日纔至州諸事無聊無自春
迄
今未愈長官必已赴任書信因便與達之郡君已卜
得葬事今年必了當痛心不可言也莊頭且謹幹事
不要飲酒家門既無戶後自可營生郡君亡時再三
言教諸郎莫喫酒且作活計也秋涼自愛不一

襄上

三郎人來承書竊承 門中佳安深慰憂馳係名事
陳裕已幹之七娘還家此事道理甚明自可辯雪
難為發書沈生本來無行誰許與親終為小人所輕
慢寺丞亦有書來然須本房自理耳示及扇子等多

感今後有書來不須信物枉費用也顧慶留他候船
所以歸遲不一

兼送

三郎五郎

宅眷各安

五月七日

公入諫省時年尚少以書白其大人以為見事
不言非為臣之道公之諸孫嘗出以示僕讀之
三復不能釋手嗚呼前輩忠厚之風不復見矣
此軸與昏氏家問益見往來親爾之意其贊賓
客公林致一帖九可愛丹陽洪興祖書

紹興六年九月廿四日獲觀常之所藏君謨筆

蹟

晉陵胡珪

奉簡 邵安世友

君家文獻歷 十朝 魏公我冕加金貂孫支得君
愈雋異貴名突兀陵煙霄居吳入蜀三十載公卿誰
能折簡招礪松意氣遊磊砢天馬毛骨何超遙鼎來
行卷十九首緱山明月聞笙簫沉香亭畔未湏說想
見風雪上灞橋老夫誦之群玉府學士如堵不敢驕
爾來一編更妙絕粲若新霽瞻斗杓出為龍首子何
有老穿豹尾我亦聊湖邊酒樓無十步曾次德、思

同澆

開禧丙寅歲正月九日

留題靈巖寺七言一首兼簡載師長老鮮子仇
馬煩華策車馳轂終歲塵勞常碌、喜聞巖寺並山
中路轉清溪入幽谷乍行山口疑洞天窮深一上翻
平田千層臺殿隱林木四面石壁生雲煙山僧迎門
笑相揖為語祖師存往迹屈指于今八百年已在西
來達磨前鶴鳴飛止黃金地錫杖湧起生青蓮

貫休題十六羅漢像

信州懷玉山十六羅漢廣明初於登高和安送十身
西岳貫休作以乾寧初冬孟十三日於江陵再續前

十本相去已十六年 時景昭禪人自从来見請當
季將歸懷玉

趙松雪畫羅漢像

大德八年暮春之初吳興趙孟頫子昂畫

余嘗見盧楞伽羅漢像最得西域人情態故優入聖
域蓋唐時京師多有西域人耳目所接語言相通故
也至五代王齊翰輩雖善畫要與漢僧何異余仕京
師久頗嘗與天竺僧遊故於羅漢像自謂有得此卷
余十七年前所作粗有古意未知觀者以為如何也
庚申歲四月一日孟頫書

臨閣立本水月觀音像

紺琉璃色海踊出珠纓絡髻月現前千江一影照不
異六通偏界空無邊悲觀慈觀悉清淨聞者見者皆
明圓隨心赴感不思議妙廣虛白山房緣

貞觀宰相閣立本馳譽丹青於梵釋人天研極
思致遂超神品妙品之上其作水月觀音自在
菩薩像雅澹殊勝縱能言者歷劫贊歎有不能
盡今恒山李希微瘦瞻真本於達官貴人家俾
善工貌之世間出世未之有也謹稽首而為之

題

楚人海粟馮子振